

Salve Orpheu, meliorem agimus quo vindice vitam,
 Nec cæcis ævi hoc degimus in tenebris.
 Te sequimur, te magne, pio qui pectore blandum
 Parrhasio carmen ludimus in nemore;
 Culta satis tamen ut musæo tacta lepore
 Romulidum niteat mens magis atque magis,
 Neu morum inluvies, trans duros pulsa Gelonos,
 Ingruat ah! pulchræ turpiter Italia.

ELEGIA IV.

MARCHIONI

JOANNI PATRITIO

VIRO NOBILITATE HONORIBUS BONARUM ARTIUM

PATROCINIO PRÆSTANTI SODALIS SUI

CARMINA

D. D. D.

PArve liber, culto quem nuper Musa Zamagnæ
 Dictavit Pindi vertice in aerio;
 Ille mihi multo scriptum, comptumque lepore
 Misit dulce suæ pignus amicitiae:
 Non ego te patiar privata in sede morari,
 Inque meo ignotum delituisse lare,
 Dum positum pulvisque tegat, blattæque latentes,
 Vel tineæ morfu, trux genus, omnivoro
 Pertundant fœde. Clades hæc dira libellis
 Ingruat, invitis promere quos Charisin,
 Calliope invita pergunt, incommoda sæcli,
 Suffeni, proles impia, vel Bavii,

D

Vates